

Merujuk persoalan yang dibangkitkan oleh Yang Berhormat Cheras, pihak Kerajaan sememangnya tidak pernah menghalang pihak SUHAKAM dari menjalankan tanggungjawabnya. Malahan, bagi memperkukuh peranan SUHAKAM, Kerajaan telah menerima beberapa cadangan pindaan penambahbaikkan terhadap Akta 597 selaras dengan keperluan semasa SUHAKAM berkaitan isu hak asasi manusia di Malaysia. Sebagai makluman, cadangan-cadangan tersebut kebanyakannya diterima untuk dilaksanakan bagi memperkasa SUHAKAM dan ini tertakluk kepada pertimbangan akhir Kerajaan sebelum dibentangkan ke Jemaah Menteri untuk kelulusan. Antara usul-usul yang telah dikemukakan itu ialah:-

- i. pelantikan Pesuruhjaya secara sepenuh masa dan/atau anggota Suruhanjaya sambilan;
- ii. membolehkan SUHAKAM menjalankan lawatan mengejut ke tempat tahanan;
- iii. membolehkan SUHAKAM bertindak sebagai pengantara (*mediator*); dan
- iv. membolehkan Suruhanjaya memainkan peranan sebagai *amicus curiae* dalam kes mahkamah yang membabitkan pencabulan hak asasi manusia.

Sekian, terima kasih.